



Data: 07.03.2019

Ref.: 382/196

Bazuar në nenin 7, dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Ligjin për Procedurën e Përgjithshëm Administrative (nr. 05/L-31, datë 25 maj 2016), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Rregulloren mbi punën e Këshillit Shtetëror të Cilësisë, Nr. 621/18D, datë 12.06.2018, Këshilli Shtetërorë i Cilësisë (KSHC), në mbledhjen e 62-të, të mbajtur më 12 shkurt 2019, mori:

## V E N D I M

1. Tërhiqet akreditimi i programeve të studimit të Akademisë "Evolucion" si më poshtë:
  - 1.1 Dizajn dhe Marketing, MA, 120 ECTS, dhe
  - 1.2 Dizajn i Enterierit, MA, 120 ECTS.
2. Ky vendim hyn në fuqi me nënshkrimin e tij.

## Arsyetimi

Këshilli Shtetëror i Cilësisë (tash e tutje KShC) me qellim të përmbushjes së obligimeve ligjore, dhe me qellim të ngritjes së cilësisë në arsimin e lartë, me datë 11.06.2018 ka njoftuar të gjitha IAL-të se nuk do të toleroi mos përmbushje të kritereve të cilat derivojnë nga dispozitat ligjore që rregullojnë fushën e arsimit të lartë, dhe se në secilin rast të konstatimit të mungesës së stafit akademik sipas dispozitave ligjore në fuqi, do të procedoi me tërheqje të akreditimit.

Pas deklarimit të stafit akademik të IAL-ve, AKA ka filluar me verifikimin e dokumentacionit të tyre me qellim të konfirmimit të plotësisë apo jo të kritereve ligjore për secilin program të studimit. Në mbledhjen e mbajtur më 12 shkurt 2019, KShC analizoi në detaje të gjithë dokumentacionin e stafit akademik të vendosur si bartës të programeve nga Akademia "Evolucion". Pasi analizoi të dhënat rreth numrit të stafit dhe fushat e studimit për secilin program të studimit, KShC vendosi si në dispozitiv të këtij vendimi.

Sipas pika një (1) të nenit 21, të UA për Akreditim, "AKA e rezervon të drejtën të monitorojë dhe të kontrollojë cilësinë e institucioneve të akredituara në çfarëdo kohe me paralajmërim". Sipas pikës dy (2), "AKA mund të rishqyrtoj akreditimin e dhënë në çfardo kohe dhe/apo më pas të tërheq vendimin e sajë për akreditim nëse kushtet e dhëna me rastin e akreditimit janë shkelur".

Sipas nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: "Për programet e studimit të cilat shpijnë deri tek marrja e një diplome



*shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Meqenëse këto programi i përkasin fushës së arteve, trajtohen sipas UA 02/2019 datë 31.01.2019 për plotësim ndryshimin e nenit 26, pikës 5.3.4 dhe 5.3.5 të UA për Akreditim 9/2018. Sipas këtij ndryshimi, për programet nga fusha e arteve, stafi akademik duhet të ketë gradën shkencore PhD, ose tituj të barasvlershëm artistik.

Ndërsa në nenin 30 të Udhëzimit Administrativ për Akreditim, thuhet: *“IAL-të, duhet të dorëzojnë deklaratat e stafit akademik të angazhuar jo me larg se data 31 tetor”*, pra IAL janë të obliguara që të deklarojnë stafin akademik me se largu deri me 31 tetor 2018. Sipas pikën 3 të nenit 30 të UA për Akreditim, *“Vetëm stafi akademik i deklaruar dhe aprovuar nga AKA, do të konsiderohet në procesin e akreditimit/riakreditimit për vitin pasues akademik dhe stafi akademik i deklaruar dhe aprovuar nga AKA për programet ekzistuese në kuadër të procesit të monitorimit”*.

1. Për programin e studimit: *Dizajn dhe Marketing, MA, 120 ECTS*, Akademia “Evolucion” nuk ka paraparë asnjë person si bartës të këtij programi të studimit.

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”*. Ky program ka 120 ECTS, dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program të studimit Akademia “Evolucion”, duhet te ketë te paktën dy staf akademik me gradën shkencore *PhD* me marrëdhënie të rregullt të punës nga fusha e programit të studimit.

Bazuar në pikën dy (2) të nenit 21 të UA për Akreditim, *“AKA mund ta rishqyrtoj akreditimin e dhënë në çfarëdo kohe dhe/ apo më pas të tërheq vendimin e saj për akreditim nëse kushtet e dhëna me rastin e akreditimit janë shkelur”*. Me këtë rast konsiderohet se mos vendosja e asnjë stafi te programit të studimit *Dizajn dhe Marketing, MA, 120 ECTS*, është ndryshim i kushteve të akreditimit, dhe mbi këtë bazë, KShC vendosi si në dispozitiv të këtij vendimi.

Andaj bazuar në faktet e prezantuara me sipër dhe dispozitat ligjore te sqaruara me lartë, KShC vendosi që në mungesë të stafit akademik për këtë program të studimit sipas pikës 5.3.4 të nenit 26 dhe bazuar në pikës dy (2) të nenit 21 të Udhëzimit Administrativ për Akreditim, ta tërheq akreditimin për programin e studimit *Dizajn dhe Marketing, MA, 120 ECTS*.

2. Për programin e studimit: *Dizajn i Enterierit, MA, 120 ECTS*, Akademia “Evolucion” nuk ka paraparë asnjë person si bartës të këtij programi të studimit.

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të*



studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”. Ky program ka 120 ECTS, dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program të studimit Akademia “Evolucion”, duhet të ketë të paktën dy staf akademik me gradën shkencore PhD me marrëdhënie të rregullt të punës nga fusha e programit të studimit.

Bazuar në pikën dy (2) të nenit 21 të UA për Akreditim, “AKA mund ta rishqyrtoj akreditimin e dhënë në çfarëdo kohe dhe/ apo më pas të tërheq vendimin e saj për akreditim nëse kushtet e dhëna me rastin e akreditimit janë shkelur”. Me këtë rast konsiderohet se mos vendosja e asnjë stafi të programit të studimit *Dizajn i Enterierit, MA, 120 ECTS*, është ndryshim i kushteve të akreditimit, dhe mbi këtë bazë, KShC vendosi si në dispozitiv të këtij vendimi.

Andaj bazuar në faktet e prezantuara me sipër dhe dispozitat ligjore të sqaruara me lartë, KShC vendosi që në mungesë të stafit akademik për këtë program të studimit sipas pikës 5.3.4 të nenit 26 dhe bazuar në pikën dy (2) të nenit 21 të Udhëzimit Administrativ për Akreditim, ta tërheq akreditimin për programin e studimit *Dizajn i Enterierit, MA, 120 ECTS*.

**Këshillë juridike:** Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 ditës nga dita kur pala është njoftuar për aktin administrativ sipas nenit 127 të LPPA.

Vendimi u dërgohet:

- BPrAL Akademia “Evolucion”;
- MASHT-it;
- Arkivit të AKA-së.

  
Prof. Dr. Gazmend Luboteni  
Kryetar i Këshillit Shtetëror të Cilësisë

